

# Protection of Plant Varieties & Farmers' Rights Act, 2001; Te Kheti kuria manu laga Haq



भारत  
ICAR

**Krishi Vigyan Kendra Dimapur**  
**ICAR (RC) for NEH Region**  
Nagaland Centre, Jharnapani  
Medziphema-797106, Nagaland



भारत  
ICAR-RC-NEH

## **PPV & FR Act, 2001 : te kheti kuria manu laga haq (right)**

(Recognition of farmers as users, custodians and breeders)

Subji, phool aru kisim kisim ghas, bejon hohai kuribole aru kheti kuria manu haq kam (PPV & FR Act) etu tu bejon bana manu aru kheti kuria manu haq ke eki kuribo nimite ase. Etu matlop tu kheti kuria manu haq janeki kuria aru tai khan para bejon khan bhal kuri kene raka, bhal bana dia aru Plant Genetic Resources khan ke notun bejon banabo nimite kam kuria khan hohai kuri dey.

PPV & FR Act laga kam tu kheti kuria manu para kisim kisim kheti kuria, bejon khan bhal para rakha aru bejon chuni kene bhal bana dia. Etu Act tu kheti kuria manu para jungle laga aru baba khan para bejon laga-e thaka khan chuni kene aru beshi pa-a khan besari kene bhal bana dia. Etu nishina kheti kuria haq kam tu kheti kuria manu khan ke Chula manu, bhal kuri kene rakha manu aru bejon bhal bana manu ase ko-e kene jankari debo nimite ase. Kheti manu khan ke noeta (Nine) haq de ase, etu khan tu:

### **Ek haq - (Right 1): Bejon chulabo nimite (Section 39(1) (iv))**

PPV & FR Act, na aha agete kuri thaka nishina kheti kuria manu khan nijor kheti para ula bostu khan aru bejon hoha-e kuri kene rakha khan bacha-e kene rakhibo pare, chulabo pare, lagabo pare, botli kuribo pare. Ho-e lebi etu laga Act t eta-e khan company bejon (branded seed) tu bekri kuribo napare. Kheti kuria manu khan nijor kheti par aula khan bacha-e kene nijor kheti te chulabo pare.

### **Do-e haq - (Right 2):Lap pa-a khan bhag kuribole (Section 26)**

Jodi genetic bostu tu registered bejon banabo nimite chulashe koile, kaun manu hoelebi, group para hoelebi, company, shorkar, NGO (India te thaka) khan para lap pabo haq ase koe kene authority logote mangibo pare. Hoelebi, PPV & FR Act para bejon bana manu ke bejon bhal bana-e dia tu ki genetic bostu, tribal nohoelebi bosti te thaka khandan para rakhia tu chulashe koe kene kobo lage.

### **Tin haq - (Right 3): Pabole haq (Compensation) (Section 39(2))**

Registered bejon tu bekri kurishe koele kinika lagabo, aru kiman pabo, etu khan ke jankari debo lage. Etu bejon tu kheti kuria manu kini kene aru laga-e kene jankari dia hesab te ula na-e koele kheti kuria manu khan registered bejon bana manu logote noksan (compensation) hoa tu PPV & FR Authority ke jankari de kene bejon bana manu logote manyibo pare.

### **Char haq - (Right 4): Bejon laga dam tu hesab ekta hobo lage (Section 47)**

Kheti kuria manu registered bejon chulabo nimate dam tu hesab ekta aru komti para pabo lage. Etu nohoeshe koele, bejon bana manu laga bejon banabole licence tu rukha-e debole haq ase. Aru bejon bana manu laga bejon bana, bhak kuria aru bekri kuria licence tu alak banabo para aru manu ke de debo. Bejon hoai kuribole aza bishe bhak te bejon khan kheti kuria manu ke debo nimate aru dam beshi nihobo nimate licensing tu thakibo lage.

### **Panch haq - (Right 5): Bejon bhal para rakhia nimate kheti kuria manu khan ke enam dia (Section 39(I) (iii) & Section 45(2)(C))**

Kheti kuria manu bejon bhal banabo nimate, bhal kuri kene rakha, kheti bhal hobo nimate bhal kam kuria khan National Gene Fund para enam dey. Gene Fund tu, etu laga Act khan Chula nimate paisa pae. Aru etu kam kuria nimate National aru





International Organization para bi modok kure. Bejon bhal banabo nimate bhal kuri kene rakha, aru beya nohoi kene chulabo paria, modok kuribo nimate kharcha karone paisa alak rakhi dey. Etu paisa tu National nishena te lab khan dunia te bhak kuri kene International Treaty on Plant Genetic Resources for Food and Agriculture bettor te kam kuri thake. 2007 para, the Plant Genome Saviour/Community awards, tu the National Gene Fund logote meli kene bejon

bhal banabo nimate (PGR) bhal kuri kene rakha aru jagate, nohoilebi kheti te rakha karone kheti kuri thaka khan aru kheti kuria manu khan ke enam de thake. Authority para India sorkar logote hudi kene panchta (5) Plant Genome Saviour Community enam (awards) debole bana-e deshe. Etu enam (10 lakhs each aru citation aru momento) tu hoda-e saal kheti kuri thaka khan ke , ta-e khan para bejon bhal banabo nimate (PGR) bhal kam kuria aru bhal kuri kene rakha nimate de ase. Plant varieties aru Farmer's Rights hohai nume kuri kene rakha nimate hesab te 2010 para Authority khan dosta (10) Plant Genome Saviour Farmer enam Rs 1 lakh each aru citation aru momento debole bana kene ase. Etu uporte 2012 -2013 para tu besta (20) Plant Genome Saviour Farmer Recognition kheti kuria manu khan ke Genetic Resources of the landraces and wild relatives of economics plants khan ke chuni kene aru beya nohoi kene bhal para rakha nimate enam de ase.

**Choe haq - (Right 6): Kheti kura manu bejon naam likhi kene rakhibole (section 39(1) (iii))**

PPV & FR Act para kheti kura manu bejon tu distinction (alak hobolage) uniformity (eki ilabo lage) stability (botli nahobo lage) aru denomination (alak naam hobolage) hoishe koile naam likhi kene rakhi dey. Hoilebi notun naam tu debo napare.

Etu laga haq te kheti kuria manu khan ke komti homo-e nimate ta-e laga bejon tu crop portfolio te naam halibo nimate PPV & FR Act te moka dey. Etu bejon tu ek bar registered kuri se koile PBRs te entitled ase.

**Sat haq – (Right 7): Bejon bana tu bekri kuribo nimate (commercialization) agete authorization lobo lage (Section 28(6))**

Kitia third party para kheti kuria manu laga bejon notun nohoele purana tu alak notun bhal bejon nanabo nimate chulale, kheti kuria manu logote age te commercialization kuribo nimate authorization lobo lage. Etu laga kam para kheti kuria manu para bejon bana manu logote kinika kuri kene lab tu bhak (benefit sharing) aru khazona pabo etu kotha kuribo pare.

**Aat haq – (Right 8): Kheti kuria manu khan paisa nalo kene registration kuribo pare (Section 44)**

Kheti kuria manu khan ke bejon tu registration aru alak kam kuri dia khan paisa nadi kene PPV & FR Act te pare.

**Noe haq – (Right 9): Kheti kuria manu khan ke najani kene nume nachula khan ke hohai kuribole (Section 42)**

Kheti kuria manu para nume tu najani kene Chula na-e koi kene court te koile PPV & FR Act hesub te mab kuri kene chari debo. Etu mab kuri diatu kile koile sob bejon tu kheti kuria manu khan para hohai kuri kene ahshe aru tai khan laga nume jankari tu komti hoa nimate PPV & FR Act para mab kuri dey.



Etu crops khan registration kuribo pare (57 crops):

Dhan, Atta, Mokoe, Sorghum, Kuni dhan, Chickpea, Mungbean, Urdbean, Motor, Kholar, Dal, Arhar dal, Indian sarso, Karan rai, Rapeseed, Gobhi sarso, Badam, Akhuni, Sunflower, Safflower, Castor, Sesame, Linseed, Diploid cotton, Tetraploid cotton, Jute, Koheer, Black pepper, Choto elachi, Haldi, Adua, Tomato, Begon, Okra, Phool gobi, Cabbage, Alu, Piaz, Loson, Rose, Crysanthemum, Mango, Durum wheat, Dicoccum wheat, Isabgol, Menthol mint, Damask rose, Periwinkle, Brahmi, Coconut, Bamboo leaf orchid or Boat orchid, Spray orchid or Singapore orchid and Vanda or Blue orchid.

Etu crops khan registration kuribo nimite ahibole ase.(13 Crops)

Casuarina, Eucalyptus, Coriander, Fenugreek, Pomegranate, Grapes, Bottle gourd, Bitter gourd, Cucumber, Pumpkin, Barley, Cattleya orchid and Phalaenopsis orchid.

Kam kuri thaka khan:

Authority para kheti kuria manu khan ke bhal kam kuribo nimite etu ase:

- Ekta Farmer's cell khulibo nimite.
- Janibo aru shekabo nimite kam kuria.
- Kishan Divas/ Farmers Fair te ja-e thake.
- Jankari nimite kitab bana-e thake (Sob kotha te bana-e)

**Sponsored by : PPV&FRA, New Delhi**

**Compiled by:**

*Mrs. V. Kenny Rhetso, SMS(Home Sc.) Shri. Z. James Kikon, SMS(Soil Sc.) Shri. Kolom Rabi, SMS(Plant Breeding)  
Dr. Anamika Sharma, Programme Coordinator*

**Published by :**

*Joint Director, ICAR Research Centre for NEH Region,  
Nagaland Centre, Jharnapani, Medziphema-797 106, Nagaland*

**Designed & Printed by**

**print21, R. G. Baruah Road, Guwahati-781 024**